



Informaziuns davart il satrar en santeri Sogn Gions, Disentis/Mustér

(extract ord la lescha santeri 740 - mira <https://www.disentis.ch/downloads/leschas>)

1. Tips da fossas (art. 9)

En santeri a Sogn Gions sa vegnir satrau en:

- a) fossas per spirituals
- b) fossas per carschi
- c) fossas per affons (sut 10 onns)
- d) fossas per urnas
- e) fossas comunablas (urnas)

2. Temps da ruaus (art. 13 e 14)

Il temps da ruaus per fossas d'urna sco era tuttas fossas cun bara munta minimalmein **20 onns**.

Adatg! Per urnas che vegnan satradas en ina **fossa existenta** vala il temps da ruaus digl **emprem defunct** satraus en quella fossa.

En ina fossa existenta eis ei pusseivel da satrar sper la bara ni l'urna maximalmein duas ulteriuras urnas.

3. Indicaziuns impurtontas davart la fossa comunabla

- En la fossa comunabla vegn satrau mo la tschendra senza l'urna.
- La vischnaunca procura per l'inscripziun unificada cun num, onn da naschienscha e mort dalla defuncta/dil defunct.
- Pil manteniment ed igl ornament procura la vischnaunca. Cheutras exista buca la pussevладad da tschentar sin la fossa comunabla individualmein fluras resp. ornaments (*p.ex. candelas, figuras etc.*).
- Ils cuosts per la sepultura ella fossa comunabla, l'inscripziun ed il manteniment ein cunteni en la taxa unica da sepultura da frs. 650.-- (*regulativ da taxas tier la lescha da santeri 741*).

4. Cruschs e monuments per fossas en retscha (art. 17 ss.)

- Ei sto vegnir tschentau ina crusch ni in monument da crap sin las fossas en retscha. Crusch-fossa ston esser da lenn ni da fier zincau e patinau. Buc lubiu ein cruschs da ghisa.
- Cruschs e monuments astgan vegnir postai pér diesch meis suenter la sepultura.
- L'inscripziun sto cuntener num, prenum, onn da naschienscha e da mort dalla defuncta/dil defunct ed ha da succeder per romontsch.
- Sin las fossas eis ei buca lubiu da postar plattas che cuvieran pli che la mesadad dalla surfatscha dalla fossa.
- Pil manteniment dallas fossas ein ils parents dils defuncts responsabels. Sin giavisch sa il manteniment da fossas vegnir surdaus alla vischnaunca encunter ina indemnizaziun fixada el regulativ da taxas (*regulativ da taxas tier la lescha da santeri 741*).
- Avon che surdar las lavurs per ereger cruschs e monuments sto la damonda per la lubientscha vegnir inoltrada agl uffeci da baghegiar ed infrastruttura (*mira art. 18 e 21 dalla lescha da santeri*).

5. Allontanament (art. 12)

Cruschs e monuments da crap dallas fossas cavadas si ston vegnir allontanai ord santeri enteifer in meis suenter la visada ufficala. Cass cuntrari croda la crusch ni il monument en possess dalla vischnaunca. Il formular per la damonda da sligiar ina fossa ei d'anflar sut [https://www.disentis.ch/Downloads/Uffeci da baghegiar/Santeri Sogn Gions Damonda per sligiar ina fossa](https://www.disentis.ch/Downloads/Uffeci%20da%20baghegiar/Santeri%20Sogn%20Gions%20Damonda%20per%20sligiar%20ina%20fossa).